



欽定續通典卷三十五

職官

王侯總敘

封建起於黃唐郡縣創自秦漢師古者欲復封建宜今者必置郡縣唐臣杜佑作王侯總敘雖備陳其利病而終之曰莫可究詳曹叵陸機著論謂必宜法古魏徵李百藥上疏又力排其議夫救分離之難莫若建諸侯削尾大之勢莫若置守宰而今昔異時欲行古道勢莫能遵故自唐以迄宋遼金元皆無封建至明初封皇子爲

欽定續通典

卷三十五

一

諸王置藩府於各直省雖非如三代之分茅胙土得專生殺而護衛甲士爲數甚夥其不能謹守藩條者每足滋生民之擾是以惠帝始立方欲因事削除致有靖難之師且成祖旣併取寧藩徙之南昌傳世未幾宸濠踵而生變徒貽國患古法之不可復泥又其明驗然五等之號歷代不廢品秩之差前後各殊史傳所載及各朝會典典章集禮所傳班班可考爰列敘於左

歷代王侯封爵

公主并官屬附

唐制爵九等一曰王食邑萬戶正一品二曰嗣王郡王



食邑五千戶從一品三曰國公食邑三千戶從一品四曰開國郡公食邑二千戶正二品五曰開國縣公食邑千五百戶從二品六曰開國縣侯食邑千戶從三品七曰開國縣伯食邑七百戶正四品上八曰開國縣子食邑五百戶正五品上九曰開國縣男食邑三百戶從五品上皇兄弟皇子皆封國爲親王皇太子子爲郡王親王之子承嫡者爲嗣王諸子爲郡公以恩進者封郡王襲郡王嗣王者封國公凡名山大川及畿內諸縣皆不以封至郡公餘爵聽迴授子孫其國公皆特封凡封戶

欽定續通典

卷三一五

二

三丁以上爲卒歲租三之一入於朝廷食實封者得眞戶分食諸州其王府傅一人諮議叅軍事一人友一人侍讀無定員文宗開成元年改諸王侍讀曰奉諸王侍讀宣宗大中初復舊文學一人東西閣祭酒各一人長史一人司馬一人掾一人屬一人主簿一人記室叅軍事二人錄事叅軍事一人錄事一人功倉戶兵騎法士等七曹叅軍事各一人叅軍事二人行叅軍事四人典籤二人自典籤以上爲府官郡王嗣王不置長史親事府典軍二人副典軍二人校尉五人旅帥隊正隊副自



旅帥以下視親事多少乃置帳內府典軍二人副典軍

二人自校尉以下員品如親事府親王國令一人大農

一人尉一人

按杜佑通典作大農二人尉二人茲據新唐志

丞一人學官長丞

各一人食官長丞各一人廐牧長丞各二人典府長丞

各二人皇姑為大長公主正一品姊為長公主女為公

主皆視一品皇太子女為郡主從一品親王女為縣主

從二品凡王公十五以上預朝集宗親女婦諸王長女

月叅凡公主邑司令一人丞一人主簿一人錄事一人

宋爵一十二等王嗣王郡王國公郡公開國公開國郡

欽定續通典

卷三十五

公開國縣公開國侯開國伯開國子開國男皇子兄弟

封國謂之親王親王之子承嫡者為嗣王宗室近親承

襲特旨者封郡王遇恩及宗室祖宗後承襲及特旨者

封國公餘宗室近親並封郡公食邑沿唐制王食五千

戶郡王國公三千戶特加者無定數其開國公侯伯子

男皆隨食邑二千戶以上封公一千戶以上封侯七百

戶以上封伯五百戶以上封子三百戶以上封男分國

三等大國二十七次國二十小國百二十見任前任宰

相食邑實封共萬戶王為正一品嗣王郡王國公為從



一品開國郡公爲正二品開國縣公爲從二品開國侯  
爲從三品開國伯爲正四品開國子爲正五品開國男  
爲從五品太祖開寶六年詔晉王位望俱崇親賢莫並  
宜位在宰相之上太宗太平興國八年楚王廣平郡王  
出閣令宰相立親王之上眞宗景德中皇姪武信軍節  
度使惟吉加同平章事時駙馬都尉石保吉先爲使相  
史館引唐制宗室在同品官上遂升惟吉焉凡親王府  
有傅長史司馬諮議參軍友記室參軍王府教授小學  
教授傅及長史司馬有其官而未嘗除太平興國八年

欽定續通典

卷三十五

四

諸王出閣楚王府置諮議參軍二人翊善一人陳王府  
置諮議翊善各一人後又置記室及諸王府侍講一人  
並以常參官充其後多不置諮議翊善記室或止一員  
眞宗大中祥符九年仁宗初封壽春郡王置友二員亦  
以常參官充天禧二年進封昇王友遷諮議仍置記室  
一人皇侄皇孫侍教南北伴讀無定數凡公主亦分大  
長公主長公主公主郡主縣主皆不置官屬

遼之封爵唯有國王郡王國公三等率以漆水柳城混  
同蘭陵國名則屢進屢改有加至二國者其初宗室與



勳戚無異道宗太康五年十一月詔唯王子封一字王餘並削降其爵號大約採唐宋之制其王府北面官有

親王祇應司王子院有王子太師王子太保王子司徒

王子司空王子班郎君南面官王傅府有王傅興宗重熙十五年

年蕭惟信為親王內史府有內史道宗太康三年長史見內史吳嘉努

參軍諸王文學館有諸王教授重熙中姚景行為燕趙國王教授諸王

伴讀聖宗太平八年長沙郡王宗允等奏選諸王伴讀

金封爵正從一品曰郡王曰國公正從二品曰郡公正

從三品曰郡侯正從四品曰郡伯舊曰縣伯章宗承安二年始更名曰郡伯

欽定續通典 卷三十五 二五

正五品曰縣子從五品曰縣男凡封王者食邑萬戶實

封一千戶郡王五千戶實封五百戶國公三千戶實封

三百戶郡公二千戶實封二百戶郡侯一千戶實封一

百戶郡伯七百戶縣子五百戶縣男三百戶凡封王大

國號二十次國三十小國三十封王郡號十封公主縣

號三十王府官有傅府尉長史司馬文學記室叅軍

元之封爵凡八等王正一品郡王從一品國公正二品

郡公從二品郡侯正三品郡伯正四品亦有從四品縣

子正五品縣男從五品其初宗室駙馬通稱諸王制度



簡樸位號無稱惟視印章以爲輕重後始有國邑之名  
其制封一字王者金印獸紐兩字王者金印螭紐次有  
金印駝紐金鍍銀印駝紐金鍍銀印龜紐有止用銀印  
龜紐各分等級有同姓無國邑而稱王者但曰宗王諸  
王傳官庫金布哈太子至齊王位下凡四十五王每位  
下各設王傳傳尉司馬三員傳尉惟庫春布哈額布根  
鄂蘭烏克三王有之自此以下皆稱府尉別於王傳之  
下司馬之上而三員並設又多寡不同或少至一員或  
多至三員者齊王則又獨設王傳一員

欽定續通典

卷三十五

六

明太祖洪武三年詔立長子標爲皇太子封第二子椿  
爲秦王次桐晉王棣燕王橚吳王楨楚王榑齊王樟潭  
王杞趙王檀魯王侄孫守謙靖江王皆授以冊寶設置  
相傳官屬及諸禮儀八年定諸王宗人祿米每歲親王  
五萬石靖江王二萬石郡王六千石郡王諸子年十五  
人賜田六十頃爲永業除其租九年定王府官制又定  
諸王及公主歲供之等十七年更定冊寶親王俱授以  
金冊金寶皇太子之次嫡子及庶子年十歲皆封郡王  
授以塗金銀冊銀印親王嫡長子年十歲立爲王世子



授以塗金銀冊銀印次子及庶子年十歲皆封郡王冊印亦如之郡王次子授鎮國次孫輔國次曾孫奉國皆將軍凡三等次元孫鎮國次五世孫輔國次六世孫奉國皆中尉凡三等其王府官屬長史司左右長史各一人其屬典簿一人審理所審理正一人副一人典膳所典膳正一人副一人奉祠所奉祠正一人副一人典樂一人典寶所典寶正一人副一人紀善所紀善二人良醫所良醫正一人副一人典儀所典儀正一人副一人伴讀四人教授無定員引禮舍人三人倉大使副使各

欽定續通典

卷三十五

二

一人郡王府教授一人典膳一人鎮國將軍教授一人神宗萬厯間周府設宗正一人後各府亦漸置郡王府增設教授一人凡王府護衛指揮使司設官如京衛其王府儀衛司儀衛正一人儀衛副二人典仗六人儀衛掌侍衛儀仗護衛掌防禦非常護衛王邸有征調則聽命於朝凡功臣外戚封爵三等曰公侯伯皆有流有世功臣則給鐵券歲祿以功爲差已封而又有功仍爵或進爵增祿其才而賢者則出司戎政

具三都尉篇

否則食祿

奉朝請而已年幼而嗣爵者咸入國子監讀書世宗嘉



靖八年定外戚封爵毋許世襲其有世襲一二代者出特恩駙馬亦有封侯者若恩親侯李貞永春侯王寧京山侯崔元以恩澤封侯非制也公主亦有大長公主長公主凡尙主者並曰駙馬都尉其尙郡主縣主郡君縣君鄉君者並曰儀賓洪武七年公主府設家令一人司丞一人錄事一人二十三年改家令司爲中使司以內使爲之



欽定續通典卷三十六

職官

州郡上

司隸校尉

司隸周官唐時已無元宗開元十七年置京都兩畿按

察使二十年改曰採訪處置使天寶末又兼黜陟肅宗

乾元元年改曰觀察處置使掌察所部善惡即隋以前

司隸之職也

宋沿唐制亦置觀察使又置提點開封府界諸縣鎮公

欽定續通典

卷三十六

一

事掌察畿內縣鎮刑獄盜賊場務河渠之事

遼南面官中京東京上京皆有觀察使司又置採訪使

太宗會同三年命於固靈為採訪使皆非司隸之職其五京警巡院有警

巡使警巡副使中京有巡邏使司聖宗開泰中耶律古裕為中京巡邏使

即古司隸也

金諸京置警巡院使掌平理獄訟警巡別部總判院事

副一人掌警巡之事判官二人掌檢稽失發判院事

元上都有警巡院達嚕噶齊警巡使各一人副使二人

判官二人屬留守司大都路兵馬都指揮使司有都指



揮使二人副指揮使五人知事一人掌京城盜賊姦偽  
鞫捕之事世祖至元九年以刑部尙書一人提調司事  
其屬有左右警巡二院置達嚕噶齊使各一人副使判  
官各一人又置大都警巡院達嚕噶齊使各一人副使判  
判官二人

明有巡視五城御史又置中東西南北五城兵馬指揮  
司各指揮一人副指揮四人吏目一人巡捕盜賊疏理  
街道溝渠及巡視火禁之事其不職者巡城御史糾劾  
之又置巡按御史北直隸二人南直隸三人所按藩服  
欽定續通典

卷三十六

二

大臣府州縣官諸考察舉劾尤專大事奏裁小事立斷  
與漢司隸唐京畿採訪使職位皆同

州牧刺史

州牧刺史漢以後皆爲監郡大臣或統領軍事其職在  
按治所部官吏權位綦重唐高祖武德以後罷郡置州  
改太守爲刺史官名雖存職非其舊故唐之採訪處置  
使理於所部之大郡天寶末兼理黜陟卽古之州牧刺  
史也

互見司隸校尉

乾元元年改曰觀察處置使其東都西都

北都置牧各一人掌宣德化歲巡屬員觀風俗錄囚恤



繆寡

宋開封府河南應天府皆置牧次府亦置牧而觀察使及諸州刺史皆無定員又置提點刑獄公事掌察所部獄訟兼舉刺官吏之事

遼南面方州官無牧有某州刺史

金諸州置刺史一人其刺史紀綱一州之衆務其上京

東京等處置按察司糾察貪官污吏豪猾之人並勸農

桑職與唐之採訪處置使同

元至元三年定一萬五千戶之上者為上州六千戶之

欽定續通典

卷二十六

三

上為中州六千戶之下為下州二十年既平宋又定其地五萬戶之上者為上州三萬戶之上者為中州不及三萬戶者為下州每州置達嚕噶齊無刺史其江南諸道行御史臺陝西諸道行御史臺及各道肅政廉訪司職掌監臨諸省統制各道憲司詳載御史臺門內亦唐採訪使之遺制也

明州次於府凡州有二屬州則隸於府直隸州則視府

而秩次於府無刺史之官設總督巡撫提督經畧贊理

巡視撫治於各省加都御史或副僉都御史銜詳載御史臺



贊軍務理糧儲巡視所部舉劾其所屬官吏立崇於唐之採訪使職亞於古之持節刺史焉

總論州佐

別駕 郡國從事

治中

主簿

功曹書佐

部

中正

典郡書佐

祭酒從事

漢時分天下爲十二州州刺史之佐有別駕治中主簿功曹書佐部郡國從事典郡書佐祭酒從事等官其中正一官始於陳勝爲楚王時而晉以後廢置不一歷代互相因襲雖小更變而大抵不異至隋以州爲郡無復軍府州府之吏變爲郡官自後皆然故州佐之官別載

欽定續通典

卷三十六

四

於郡丞篇今舉官之擬於州刺史者臚列其佐職於左唐十五道觀察使有副使支使判官掌書記推官巡官衙推隨軍要籍進奏官各一人

金按察使有副使僉事判官知事知法等官

元行御史臺有經歷都事照磨架閣庫管勾承發管勾兼獄丞等官其肅政廉訪司有經歷知事照磨兼管勾等官

都督

總管節度團練都統等使附

唐制大都督府都督一人長史一人司馬二人錄事參



軍事一人錄事二人功曹叅軍事倉曹叅軍事戶曹叅軍事田曹叅軍事兵曹叅軍事法曹叅軍事士曹叅軍事各一人叅軍事五人市令一人文學一人醫學博士一人中都督府都督一人別駕一人長史一人司馬一人錄事叅軍事一人錄事二人功曹叅軍事倉曹叅軍事戶曹叅軍事田曹叅軍事兵曹叅軍事法曹叅軍事士曹叅軍事各一人叅軍事四人市令一人文學一人醫學博士一人下都督府都督一人別駕一人長史一人司馬一人錄事叅軍事一人錄事二人功曹叅軍事

倉曹叅軍事戶曹叅軍事田曹叅軍事兵曹叅軍事法曹叅軍事士曹叅軍事各一人叅軍事三人文學一人醫學博士一人都督掌督諸州兵馬甲械城隍鎮戍糧廩總判府事唐初曰總管後改爲都督惟朔方仍稱大總管宋大都督府有都督長史左右司馬錄事叅軍司戶司法司士司理文學叅軍助教大都督及長史掌司牧尹與唐制畧相似南渡後以見任宰相充都督次有同都督有督視軍馬多執政爲之雖名稱畧同然掌總諸路軍馬督護諸將非舊制比也高宗紹興二年呂頤



浩首以左僕射出都督江淮兩浙荆湖諸軍事置司鎮江其後趙鼎張浚湯思退皆以宰相兼之頤浩還朝孟庾始以叅知政事爲權同都督代後落權字趙鼎先以知樞密院事爲都督川陝荆襄諸軍事其後與浚並相並帶兼都督諸路軍馬入銜未幾浚獨被旨江上視師置都督行府行移文字並依三省體式其召赴行在其事分隸三省樞密院思退初以左相出都督時楊存中卽以太傅寧遠軍節度使同都督思退不行卽以楊存中充都督非宰執而爲都督自存中始後葉義問以

欽定續通典

卷三十六

六

知樞密院事督視江淮荆襄軍馬汪徹以叅知政事湖北京西路都督視軍馬執政爲督視於是見焉王之望辭同都督有曰朝廷於兩淮前以二大將爲招撫使後以二從臣爲宣諭使憂其不相統攝則以宰相爲都督欲事權歸一也此可見朝廷開府之意凡簽廳文字並依尙書左右司樞密院檢詳房體式設屬諮議軍事叅謀叅議並以從官充書寫機宜文字幹辦官準備差遣前後員數不一至開禧用兵或以簽樞督視或以元樞代之或以叅知政事督視四川軍馬然皆未有底績而



罷又府州軍監有兼都總管者太原府延安府慶州涇州熙州秦州則兼經畧安撫使馬步軍都總管定州眞定府瀛州大名府京兆府則兼安撫使馬步軍都總管蓋宋制以文武官參爲知州軍事各相鈐制軍監則加是銜非唐之總管也遼會同二年置遼陽大都督府以都督和勒博等關防遼陽東都爲南面官其總管北面官則有南京都總管府興宗重熙四年改爲都元帥府又置南京兵馬都總管府有兵馬都總管有總領南面邊事有總領南面軍務事有總領南面戍兵等官其南

欽定續通典

卷三十六

七

面官則五京皆有都總管府又有諸軍兵馬都總管府兵馬都總管兵馬副總管又有兵馬都總管府歸聖軍

兵馬都總管府五州都總管府

穆宗應歷初耶律蘇色爲義霸祥順聖五州都

總山後五州都管司

聖宗統和四年普努寧爲山後五州都管

金海陵正隆

六年置左右領軍大都督府三十二總管有神策神威

神捷神銳神毅神翼神勇神果神畧神鋒武勝武定武

威武安武捷武平武成武毅武銳武揚武翼武震威定

威信威勝威捷威烈威毅威震威畧威果威勇之號其

諸總管府皆載入郡太守篇元文宗天歷三年立欽察



親軍都督府後改爲大都督府置大都督三人同知二人副都督三人僉事都督二人經歷二人都事二人管勾一人照磨一人其屬有左右欽察衛龍翊衛哈喇婁萬戶府

官屬詳載司農卿諸屯監中

其總管府則有管領齊哩克昆

諸色民匠都總管府達嚕噶齊一人總管同知各一人副總管二人經歷知事提控案牘照磨管勾各一人隨路諸色人匠都總管府達嚕噶齊一人總管二人同知一人副總管二人經歷知事照磨提控案牘各一人管領大都等路打捕鷹房胭粉人戶總管府達嚕噶齊總

欽定續通典

卷三十六

八

管首領官各一人管領本投下大都等路齊哩克昆民匠總管府達嚕噶齊總管同知副總管各一人管領諸路齊哩克昆民匠都總管府達嚕噶齊總管各一人同知副總管各二人經歷知事提控案牘兼照磨各一人汴梁等路管民總管府達嚕噶齊總管同知府判各一人經歷知事提控案牘各一人江淮等處財賦都總管府達嚕噶齊總管同知各一人副總管二人經歷知事照磨兼提控案牘各一人隨路諸色民匠打捕鷹房都總管府達嚕噶齊二人都總管同知各一人副總管二



人經歷知事提控案牘各一人管領保定等路呵哈探馬兒諸色人匠總管府達嚕噶齊總管同知副總管各一人知事一人管領打捕鷹房民匠達嚕噶齊總管府達嚕噶齊總管同知副總管知事各一人管領隨路諸色民匠打捕鷹房等戶總管府達嚕噶齊總管同知副總管知事各一人管領隨路打捕鷹房諸色民匠齊哩克昆總管府達嚕噶齊總管同知副總管各一人經歷知事提控案牘兼照磨各一人隨路打捕鷹房諸色民匠總管府達嚕噶齊總管同知副總管知事各一人尙

欽定續通典

卷三十六

九

供總管府達嚕噶齊總管同知副總管判官各一人經歷知事提控案牘各一人雲需總管府達嚕噶齊總管同知副總管判官各一人經歷知事提控案牘各一人大都路管領諸路打捕鷹房總管府達嚕噶齊總管副達嚕噶齊同知副總管各一人經歷知事各一人昭功萬戶府屬管領諸路打捕鷹房納綿等戶總管府達嚕噶齊都總管同知治中府判各一人經歷知事提控案牘各一人諸府所掌率皆帝后諸王鄂爾多位下事務及管領造作採捕諸色人匠或交屯佃戶不治兵馬與



前代制度稍異其諸路總管府別載於郡太守篇明中  
軍左軍右軍前軍後軍五都督府五見武官上中篇每府有左  
右都督都督同知都督僉事其屬有經歷都事都督掌  
軍旅之事各領其都司衛所以達於兵部不開府辟屬  
於外省非唐宋時之都督也亦無總管

節度使始於唐有節度使副大使知節度事行軍司馬  
副使判官支使掌書記推官巡官衙推各一人同節度  
副使十人館驛巡官四人府院法直官要籍逐要親事  
各一人隨軍四人節度使封郡王則有奏記一人兼觀

欽定續通典

卷三十六

十一

察使又有判官支使推官巡官衙推各一人又兼安撫  
使則有副使判官各一人兼支度營田招討經畧使則  
有副使判官各一人支度使復有遣運判官巡官各一  
人節度使掌總軍旅黜誅殺初授具帑抹兵仗請兵部  
辭見賜雙旌雙節宋初節度使無職掌無定員恩數與  
執政同以待宗室近屬外戚國婿年勞久次者又遵唐  
制以節度使兼中書令侍中中書門下平章事皆謂之  
使相以待勳賢故老及宰相久次罷政者隨其舊職或  
檢校官加節度使出判大藩通謂之使相徽宗宣和末



節度使五六十人議者以爲濫南渡後諸將有兼兩鎮三鎮者實爲希濶之典其後相承宰執從官及后妃之族拜者不一遼北面官其大郡族有某部節度使副使判官其屬國亦有某國某部節度使副使聖宗統和二十九年專置準布國扎拉部諸部別部節度使司南面官上京道懷州等十二軍東京道開州等二十一軍中京道成州等七軍南京道幽州等二軍西京道雲中等六軍皆置節度使副使同知節度使事其屬有行軍司馬軍事判官掌書記衙官金諸節鎮節度使一人掌鎮

欽定續通典

卷三十六

十一

撫諸軍防刺總判本鎮兵馬之事元明皆無一團練使唐肅宗乾元元年置有團練使副使判官推官巡官衙推各一人團練使以安民爲上考懲姦爲中考得情爲下考宋團練使無定員遼各州皆置團練使副使判官又置諸軍都團練使司團練使副使判官漢軍都團練使司金不設元順帝至正十八年置奉元延安等處團練安撫勸農使司於耀州鞏昌等處團練安撫勸農使司於邠州以行省丞相托多行臺大夫鄂勒哲特穆爾領之各設叅謀一人每道置使二人同知副使



各二人檢督六人經歷知事照磨各二人明無  
都統置於唐天寶之末代宗大曆八年罷宣宗大中後  
以康承訓討徐州以王鐸討黃巢皆爲都統宋有諸軍  
都統制副都統制統制統領舊制出師征討諸將不相  
統一則拔一人爲都統制以總之未爲官稱也高宗建  
炎初置御營司擢王淵爲都統制各官自此始其後神  
武五軍及川陝宣撫司都督府樞密院皆置遼北面官  
北大王院有北院都統軍司其南大王院亦與北院同  
北面邊防官有東京都統軍使司保州都統軍司東北  
欽定續通典

卷二十六

三

路都統軍使司

道宗大安六年  
置有掌法官

南京都統軍司東路都

統軍使司西南面都統軍司山西兵馬都統軍司又北

面行軍官有行軍都統所

有行軍都統  
行軍副都統

先鋒都統所左

右翼及中軍都統所御營都統所河南道北道東北面

西北面西南面各有行軍都統所金正隆六年立三道

都統制府元明皆無

都護

唐制大都護府大都護一人副大都護二人副都護二  
人長史司馬錄事參軍事各一人錄事二人功倉戶兵



法各曹叅軍事各一人叅軍事三人宋遼金皆不設元  
置都護府官屬職掌詳諸卿大理寺明不設唯世宗幸承天以郭勳  
爲都護大將軍

欽定續通典

卷三十六

三

欽定續通典

欽定續通典卷三十六



欽定續通典卷三十七

職官

州郡下

京尹

京兆尹 守附

左馮翊

右扶風

河南尹

留

唐制西都東都北都各置牧一人尹一人通判府務牧

缺則尹行其事

其鳳翔成都河中江陵興元興德府亦各置尹一人

掌宣德化歲

巡屬縣觀風俗錄囚恤鰥寡親王典州則歲以上佐巡

縣少尹二人掌貳府州之事歲終則更次入計其屬司

錄叅軍事二人錄事四人功曹倉曹戶曹田曹兵曹法

欽定續通典

卷三十一

一

曹士曹叅軍事各二人叅軍事六人文學一人醫學博

士一人宋開封府牧尹不常置權知府一人以待制以

上充掌尹正畿甸之事以教法導民而勸課之中都獄

訟皆受而聽焉小事則專決大事則稟奏其屬有判官

推官四人日視推鞠分事以治而佐其長領南司者一

人督察使院非刑獄訟訴則主行以司錄叅軍一人折

戶婚之訟而通書六曹之案牒功曹倉曹戶曹兵曹法

曹士曹叅軍各一人視其官曹分職泣事左右軍巡使

判官各二人分掌京城爭鬪及推鞠之事左右廂公事



幹當官四人掌檢覆推問

開封典司轅下自太祖建隆以來為要劇之任至神宗熙

寧間增給吏祿禁其受賕省衙前役以寬民力釐折獄訟歸於廂官而治事視前日省去十四哲宗元祐元年詔府界捕盜官吏隸本府與都大提舉司同管轄而掌其賞罰置新城內左右二廂三年以罷大理寺獄置軍巡院判官一人四年罷新置二廂六年王巖叟言左右廳推官公事詞狀初無通治明文請事繫朝省及奏請通治外餘並據號分治紹聖六年知府事錢勰言自祖宗以來並分左右廳置推官各一人近年止除推官一人元祐中並令分治請依故事分左右廳各除推官一人作兩廳共治職事又言熙寧中置舊城左右廂元豐初增置於新城內四年罷增置兩廂請復置從之尋又詔開封府所薦推官並召對取旨徽宗崇寧三年蔡京奏乞罷權知府置牧一人尹一人少尹二人分左右二府之政治牧以皇子領之尹以文臣充在六曹尚書之下侍郎之上少尹在左右司郎官之下列曹郎官之上以士戶儀兵刑工為六曹次序司錄二人六曹各二人

欽定續通典

卷三十七

二

叅軍事八人易胥吏之稱畧依唐六典制度又請移開封府治所於舊尚書省從之五年詔開封府屬官並依舊員額大觀元年李孝壽乞增置府學博士一人從之二年詔皇子領牧祿令如執政官又仁宗慶厯中賈昌朝言漢唐都雍置三輔內翼京師朝廷都汴而近京諸郡皆屬他道制度不稱王畿請析京東之曹州京西陳許滑鄭皆隸開封府以四高宗建炎三年詔改杭州為

臨安府其守臣帶安撫使置知府通判簽書節度判官

廳公事節度推官觀察推官觀察判官錄事叅軍左右

司理叅軍司戶叅軍司法叅軍各一人本府掌畿甸之

事籍其戶口均其賦役頒其禁令城內外分左右南北

廂各置廂官以聽民之訟訴孝宗乾道七年皇太子領



尹事廢臨安府通判簽判職官置少尹一人曰受民詞  
以白太子間日率僚屬詣宮稟事置判官二人推官三

人九年皇太子解尹事臨安府知通簽判推判官依舊

置孝宗時張杓以直徽猷閣改知臨安府都城浩穰姦盜聚惡杓畫分地以警捕夜戶不閉光宗時再為府尹內侍毛伯益冒西河茭地為亭外戚有殺其僕者獄具黃緣宣諭求免杓執奏論如律孝宗觀湖杓以彈壓伏謁道左孝宗止輦問勞賜以酒炙杓天分高爽吏材敏給所至以治辦稱南渡以來論尹京者以杓為首

遼南面官五京留守司兼府尹聖宗統和元年見上京留守行臨潢尹事吳王

稍又有某府少尹太平四年見臨潢少尹鄭宏節金大興府尹一人掌

宣風導俗肅清所部總判府事兼領本路兵馬都總管

欽定續通典

卷三十七

三

府事置同知少尹總管判官府判各一人推官二人世宗

大定初唐古安禮為大興尹上曰京師好詭言府中姦吏為民患卿雖年少有治才去其宿弊毋為因仍又章宗時承暉知大興府事豪民與人爭種稻水利不直厚賂元妃兒左宣徽使李仁惠仁惠使人屬承暉右之承暉即杖豪民而遣之曰可以此報宣徽矣又宣宗貞祐時胥鼎知大興府以在京貧民缺食者眾宜立法賑救乃奏曰京師官民有能贍給貧人者宜計所贍遷官陞職以勸獎之遂定權宜鬻恩例入粟草各有數全活甚衆

元大都路都總管府達嚕噶齊二人都總管二人副

達嚕噶齊二人同知治中判官推官經歷知事各二人

提控案牘四人照磨管勾一人國初為燕京路總管大

興府世祖中統五年稱中都路至元九年改號大都二



十二年始置大都路總管府并置都總管等官二十七年改爲都總管府領府一州十有一凡本府官唯達魯噶齊一人及總管推官專治路政其餘皆分任供需之

事故又號曰供需府焉

成宗大德中姚天福拜大都路總管兼大興府尹畿甸大治後

之尹京者以天福爲稱首

明順天府尹一人府丞一人治中一人通

判六人推官一人儒學教授訓導各一人經歷知事照

磨檢校各一人府尹掌京府之政令宣化和人勸農問

俗均貢賦節征徭謹祭祀閱實戶口糾治豪強隱恤窮

困疏理獄訟務知百姓之疾苦天子耕藉行三推禮則

欽定續通典

卷三十一

四

奉青箱播種於後府丞爲之貳兼理學校治中叅理府

事以佐尹丞通判分理糧儲馬政軍匠薪炭河渠堤涂

之事推官理刑各察屬吏

順天府卽舊北平府太祖洪武二年置北平省九年改爲

北平布政司皆以北平爲會府成祖永樂初改爲順天府十年陞爲府尹設官如應天府王賢爲順天府尹嘗

以柴炭爲民病言於大司空石璞曰京民勞疲極矣今揀運夫役與眞保諸郡等無乃不可乎石默然爲遞減

之又惜薪中貴縱其下非法凌府屬叱跪於庭賢聞趨至欲縛其人以聞主者固謝乃已景帝景泰間再疏乞

休上曰卿年七十禮當致仕然京畿冗繁非爾不治英宗復辟之初顧謂近臣曰府尹如賢者何可得哉南

京應天府府尹一人府丞一人治中一人通判二人推

官一人經歷知事照磨檢校各一人儒學教授二人訓



導六人自洪武三年改應天府知府為府尹秩正三品賜銀印

左馮翊右扶風漢時之官職同京兆漢以後皆不置

河南尹唐自元宗開元元年改京兆河南府長史復為

尹通判府務牧缺則行其事十一年太原府亦置尹及

少尹互載前京兆尹篇內宋河南應天府亦有牧尹少尹其屬官

大畧與開封府同內邊錄云尹之始置蓋南漢時

留守唐自太宗伐高麗置京城留守其後車駕不在京

都則置留守以右金吾大將軍為副留守開元以後以

三都尹為留守少尹為副留守謂三都留守宋天子巡

欽定續通典 卷三十七 五

狩親征則命親王或大臣總留守事建隆元年親征澤

潞以樞密使吳廷祚為東京留守其西南北京留守各

一人以知府兼之西京河南南京應天北京大名留守掌宮鑰及京城

修葺彈壓之事畿內錢穀兵民之政皆屬焉南渡初其

東京北京並置留守以開封大名知府兼又以掌兵官

為副留守其後河南已復南京西京置留守紹興四年

高宗將親征以叅知政事孟庾為行宮留守遼南面官

五京留守司皆兼府尹互見前京兆尹篇中其某京皆有留守副

留守知某京留守事聖宗開泰二年蕭惠知東京留守事同知某京留守



事同簽某京留守事

太平四年耶律頁爲中京同知六年蕭廸里同簽南京留守事某

京留守判官

世宗天祿中室昉爲南京留守判官

某京留守推官

開泰元年見中

京留守推官李可舉

金車駕巡幸則大興府置留守同知少尹判

官等官其諸京留守司留守一人帶本府尹兼本路兵

馬都總管同知留守事一人帶同知本府尹兼本路兵

馬都總管副留守一人帶本府少尹兼本路兵馬副都

總管留守判官一人都總管判官一人推官一人元大

都留守司留守五人同知二人副留守二人判官二人

掌守衛宮闕都城調度本路供億諸務兼理營繕內府

欽定續通典

卷三十七

六

諸邸諸宮原廟上方車服殿廡供帳內苑花木及行幸

湯沐宴游之所門禁關鑰啟閉之事其上都留守司兼

本路都總管府品秩職掌如大都留守司而兼治民事

車駕還大都則領上都諸倉庫之事置留守六人同知

二人副留守二人判官二人國初置開平府中統四年

改上都路總管府至元三年又給留守司印十九年併

爲上都留守司至明則巡狩親征皆命東宮監國以大

臣爲留守故留守亦不常置非如前代以京兆充居留

之職也其所置留守司正留守一人副留守一人指揮



同知二人專掌中都興都守禦防護之事洪武二年詔以臨濠爲中都置留守衛指揮使司隸鳳陽行都督府十四年始置中都留守司統鳳陽等八衛防護皇陵設留守一人左右副留守各一人世宗嘉靖十八年改荊州左衛爲顯陵衛置興都留守司統顯陵承天二衛防護顯陵設官如中都焉

郡太守

唐自天寶以後改州爲郡刺史爲太守肅宗至德二載十二月敕近日所改百司額及郡名官名一切依故事

欽定續通典

卷三十七

罷郡爲州改太守爲刺史上州中州下州各置一人品

秩有差

戶四萬以上爲上州秩從三品戶二萬五千以上爲中州秩正四品上戶不滿二萬者爲下州

正四品下憲宗元和中陸亘爲兖州守對延英具陳節度使分兵屯屬州刺史不能制故易亂帝因詔屯士得隸刺史又白居易遷杭州始築堤捍錢塘潮衝洩其水溉田千頃復浚李泌六井民賴以汲又崔郾守鄂州治尚撫綏經月不答一人及鎮鄂則用法嚴峻一毫不貸又薛珏入爲司農卿時詔舉堪任刺史縣令者且百人延問民間疾苦屬吏得失取尤通達者什二宰相欲校以文辭珏曰求良吏不可責以文學宜以上愛人之本爲心也宰相多其計所用皆稱職又李吉甫爲相建言州刺史不得擅見本道使罷諸道歲終巡勾以絕苛歛吉甫連蹇外遷十餘年究知閭里疾苦常病方鎮強恣至是爲帝從容言使屬郡刺史自爲政則風化可成帝然之出郎吏十餘人爲刺史又元和三年詔刺史於宣政門謝訖遣之任舊制凡命都督刺史皆臨軒冊命後



雖無冊命而收守覆命便殿召對賜衣服時河南尹宋  
裴復求速之任李吉甫爲奏請遂有是命非舊制也

初革五季之患召諸鎮節度會於京師賜第以留之分

命朝臣出守列郡號權知軍州事軍謂兵州其後文武

官叅爲知州軍事其二品以上及帶中書樞密院宣徽

使職事稱判某府州軍監諸府置知府事一人州軍監

亦如之掌總理郡政宣布條教導民以善而糾其姦慝

歲時勸課農桑旌別孝弟其賦役錢穀獄訟之事兵民

之政皆總焉其河南應天大名府則兼留守司公事太原延安府慶渭熙秦各州則兼經畧安撫

使馬步軍都總管定州真定府瀛州大名府京兆府則  
兼安撫使馬步軍都總管瀘潭廣桂雄各州則兼安撫

欽定續通典 卷三十七 八

使兵馬鈐轄類昌府青鄆許鄧各州則兼安撫使兵馬  
巡檢其餘大藩府或沿邊州郡或當一道衝要者並帶  
兵馬鈐轄巡檢或帶沿邊安撫提轄兵甲沿邊溪河都  
巡檢餘州軍則別其地望之高下與職務之繁簡而置  
之分曹以理之而總其綱要凡屬縣之事皆統焉高宗建炎初詔河北京東西

路除帥司外舊差文臣知州去處許通差武臣一次又

要郡文臣一員帶本路兵馬鈐轄武臣一員充副鈐轄

次要郡文臣一員帶本路兵馬都監武臣一員充副都

監紹興三年詔守臣罷帶路分鈐轄都監後帝又以守

令皆帶勅農公事多不奉職自今有治效顯著者可令

中書省籍記姓名特加擢用初除授見闕及自外罷任



赴闕並令引見上殿孝宗乾道二年令非曾任守臣不

得爲郎定諸郡合文武臣通差去處並依舊制

張詠知益川時

李順構亂王繼恩上官正總兵攻討拔師不進詠以言激正勉其親行仍盛爲供帳餞之酒酣舉爵屬軍校曰汝曹蒙國厚恩無以塞責此行當直抵寇壘平蕩醜類若老師曠日卽此地爲爾死所矣正出是決行深入克捷又劉敞徙知鄆州鄆比易守政不治市邑攘奪公行做決獄訟明賞罰境內肅然有客行壽張道中遺一囊錢人莫敢取以告里長爲之守視容還取之又有暮遺物市中者旦往訪之猶在又蔡襄以樞密直學士知福州郡士周希孟陳烈陳襄鄭穆以行義著襄備禮招延訓諸生經學知泉州距州二十里萬安渡絕海而濟往來畏其險襄立石爲梁其長三百六十丈民至今賴之又王大寶知連州代還言連英循惠新恩六州居民纔數百非懋遷之地月輸免行錢宜蠲減高宗詔大臣曰守臣上殿令陳民事遂得知田里疾苦所陳五六得一

欽定續通典

卷三十七

九

可行其利亦不細矣又馬亮以工部侍郎徙知杭州先是江濤大溢調兵築堤而工未就詔問所以捍江之策亮哀詔禱伍員祠下明日潮爲之却出橫沙數里堤遂成又趙抃加龍圖閣直學士出爲外守爲政善因俗施設猛寬不同於成都尤爲世所稱道神宗每詔郡守必以抃爲言又种世衡知環州番部有牛家族努額者素倨擢未嘗出謁郡守聞世衡至遽郊迎世衡與約明日當至其帳往勞部落是夕大雪深三尺左右曰地險不可往世衡曰吾方結諸羌以信不可失期遂緣險而進努額方卧帳中謂世衡必不能進世衡蹙而起之努額大驚曰前此未有官至吾部者公乃不疑我耶率其族羅拜聽命其後百餘帳皆自歸莫敢貳又真德秀進嶽猷閣待制復知泉州迎者塞路深村百歲老人亦扶杖而出城中歡聲動地德秀泣任以後凡決訟自卯至申未已或勸其畜養精神德秀曰無力惠民唯有政平訟理白當勉耳又蔣元振知廉州清苦勵節家屬悉寄住潭州在任啜粥飲水自奉甚薄爲政簡易民甚愛之又王十朋守泉初至任會七邑宰勸酒歷告以愛民之意



出詩示之曰九重天子愛民深令尹宜懷惻隱心今日黃堂一杯酒使君端為庶民斟又陸九淵知荆門軍其境內官吏之貪廉民俗之習尚善惡皆素知之郡以為神逾年政行令修民俗為變諸司交薦丞相周必大當稱荆門之政以為躬行之效焉又陳希亮代還執政以為大理少卿希亮願得一郡以自效乃以知宿州州跨汴為橋水與橋爭常壞舟希亮始作飛橋無柱以便往來詔賜縑以褒之仍下其法自畿甸以至泗州皆為飛橋又神宗召趙抃知諫院帝曰聞卿匹馬入蜀以一琴一鶴自隨為政簡易亦如是乎又歐陽修在滁州自號醉翁晚更號六一居士凡歷數郡不見治迹不求聲譽寬簡而不擾故所至民便之或問為政寬簡而不弛廢何也日以縱為寬以畧為簡則政事弛廢而民受其弊吾所謂寬者不為苛急簡者不為煩碎耳又曾鞏為知州務去民疾苦急奸盜而寬貧弱曰為害者不去則吾民不寧齊俗俾強喜攻劫至是豪宗大姓斂手不敢動寇攘屏迹州即肅清又孫甫知鄧州有惠政

欽定續通典

卷三十七

十

遼南面官

黃龍府有知黃龍府事

興宗重熙十三年見知黃龍府事耶律烏魯斯

興中府

有知興中府事

道宗咸雍元年有知興中府事楊績

其某州亦有州刺史

蕭文知易州兼西南安撫使高陽土沃民富吏其邑者每黷於貨民甚苦之文至悉去舊弊務農桑崇禮教民皆化之時大旱百姓憂甚文禱之輒雨屬縣又蝗反躬自責蝗盡飛去遺者亦不食苗散在草莽為鳥鵲所食霽雨不止復禱而霽是歲大熟金諸總管府則府尹兼領都總管其諸

府非總管府

則置尹一人諸防禦州則置防禦使一人諸州

則置州刺史一人其掌皆同府尹

翟永固以尚書左丞

奏固自執政出為尹其繳蓋當用何元至元初置諸路

總管府二十年定十萬戶之上者為上路十萬戶之下



者爲下路當衝要者雖不及十萬戶亦爲上路置達嚙

嚙齊一人總管一人兼管勸農事江北則兼諸軍鄂囉

秩各有差

上路達嚙嚙齊總管皆正三品下路皆從三品

其散府

秩正四品

則置達

嚙嚙齊一人知府或府尹一人領勸農鄂囉其諸州亦

有達嚙嚙齊州尹

順帝至正時朝廷慎選守令叅知政事魏中立言於帝當今欲得賢守無

如韓鏞者乃特署鏞名授饒州路總管饒俗尙鬼有覺

山廟者自昔爲妖以禍福人爲盜賊者事之尤至有爲

必卜之鏞至卽撤其祠宇沈土偶人於江人初大駭已

而歎服又董文用出爲衛輝路總管十六年受代歸里

茅茨數椽僅蔽風雨讀書賦詩怡然燕居人皆服其廉潔

明改諸路爲府每府置知府一人

自宣宗宣德以後統計天下府凡一百五十有九掌一府之政宣風化

欽定續通典

卷三十七

十一

府則專達

宣德初以雄劇十郡慎選良牧尙書胡濙舉况鍾典蘇郡請賜敕以行鍾始以吏起家洞

灼郡弊泄任後吏胥抱贖請署欲以嘗鍾鍾默然若無

能爲者既三日復請署鍾乃歷舉前牒中之故爲出入

隱竄顛倒者立撲殺之僚屬震慄因并舉僚屬之貪虐

庸儒者立黜之置善惡二簿察民善惡籍其民以示勸

懲民咸感化凡奏減正賦田糧及停徵淹沒舊欠糧草

共數百萬辨明誣入軍籍者千八百餘家蘇人語減三分糧當一代軍民到於今受其賜述職日上錫宴賜詩英宗正統五年九載滿去郡民赴闕乞留者百萬餘人遂薦侍御劉謙代已治郡九年善政甚多嘗語人曰守與令即官階不同皆職民牧赫赫爲威民不近也察察爲明民罔容也平易近民守令之道也人以爲名言又



顧山爲温州守時元輔張孚敬雖歸上眷猶厚部使以下革風爭趨山獨處之以禮孚敬建寶綸樓大治第宅又求廣其基地強買不休山自往止之曰夫居第當遺之子孫公今移易幾何家匝垣已里餘矣而意猶未足殆非所以善後計也且公居朝嘗喜稱伊傅周召之爲相柰何所以處家者顧出蕭何李沉下哉張怒作色山不顧而出自其直隸州各州置知州一人明制有直隸後地不再廣府其品秩雖與散州同而職實知府也計天下州凡二百三十有四

總論郡佐

郡丞 別駕 長史 司馬 錄事參軍 司功 司倉 司戶 司兵 司法 司士 參軍事 經學博士 醫學博士 中正 通守 五官掾 督郵 郡尉

唐制諸州郡有別駕長史錄事參軍事司功司倉司戶

欽定續通典

卷三十七

司田司兵司法司士各參軍事市令丞文學醫學博士等官其上州中州下州皆同宋諸州郡有通判及幕職官諸曹官教授等官太祖建隆四年詔知府公事並須長史通判簽議連書方許行下其諸曹官與唐制畧同遼南面官黃龍府興中府皆有同知判官博士助教等官金諸總管府諸府諸州皆有同知判官推官等官元諸路諸府諸州皆有同知治中判官推官等官明各府皆有同知通判推官各直隸州皆有同知判官皆無定員視其事之煩簡以爲差



郡丞唐不置有別駕長史元宗天寶以後諸郡皆廢別駕下郡置長史一人肅宗上元二年諸州復置別駕德

宗時復省元和長慶之際兩河用兵裨將有功者補東宮王府官久次當進及受代居京師者常數十人訴宰相以求官文宗時宰臣韋處厚建議復置兩輔六雄十

望十繁州別駕宋諸州皆置通判

十袞通判宣州太宗淳化間上命采庶僚

之廉幹者給御書印紙課最仍賜實俸以旌異之袞與焉又李肅之通判澶州時北使將過郡而樓堞壞地肅之謂郡守曰吾州爲景德破敵之地當示雄強今保障若是且奈何遂鳩工構城屋凡千區規制一新人皆服其幹濟又王十朋擢紹興府簽判既至咸以書生易之十朋裁決如神吏姦不行又陳堯佐通判潮州修孔子

欽定續通典

卷三十一

三

廟作韓吏部祠以風示潮人又周敦頤爲合州判官事不經手吏不敢決雖下之民亦不肯從又張忠恕通判杭州能撥煩理劇大郡置二人餘置一人貳郡政凡兵

民錢穀戶口賦役獄訟聽斷之事可否裁決與守臣通

簽書施行所部官有善否及職事修廢得刺舉以聞南

渡後設官如舊入則貳政出則按縣旣而諸州通判有

兩員處減一人凡軍監之小者不置遼南面官黃龍府

興中府皆有同知判官金諸總管府皆有同知都總管

掌通判府事兵馬副都總管所掌與同知同總管判官

掌紀綱總府衆務府判與總管判官同又有推官其職



掌亦同諸府亦有府判推官掌紀綱衆務諸州有同知

通判州事有判官簽判防刺州事元諸路總管府有同

知治中判官各一人推官二人專治刑獄諸散府有同

知判官推官各一人諸州亦有同知判官明諸府亦有

同知

景泰間彭鏡初遷大理同知所隸多土官舊俗謁見有儀蔭襲有饋鏡初一切峻却之滇民尚鬼鏡

初所至必毀淫祠海上有獵神頗著靈異鏡初奉上臺命竟往毀之方航海浪高於屋從者膽落獨無所怖已至風止水靜卒毀而還又施奎調南安同知刑威不用專尚德化不踰年人吏洽和民悉感其德惠通判宣德間戴浩爲東昌通判兼徵租洵河之役九載秩滿民歌曰戴別駕公實爲我儂廉慎忘躬能使年豐又譚讓改衢州通判政務尙嚴厲夜有人書扉壁者曰虎豹在山雷行於天人宜自度不可犯譚譚顧視笑曰爲政

欽定續通典

卷三十七

四

不能使民無犯而使不可犯耶更治簡緩民愈稱順又劉容通判黃州單車赴任布袍蔬食不殊寒士風廉平之譽孚於上下分掌清軍巡捕管糧治農水利屯田

吏俾卒相戒飲戢

牧馬等事無常職各府所掌不同延安延綏同知又兼

牧民其邊府同知有增至六七員者洪武三年設各府

推官理刑名贊計典其各直隸州亦有同知判官

司馬唐置一人宋遼金元明皆無

錄事參軍唐置一人宋制錄事參軍掌州院庶務糾諸

曹稽違宋以後皆不置

司功參軍唐上州中州置一人下州不置宋遼金元明



皆無

司倉叅軍唐置一人宋有戶曹叅軍掌戶籍賦稅倉庫受納卽唐之司倉叅軍也金諸府以府判分判吏戶禮案事元明皆以同知通判分掌其事

司戶叅軍唐上州置二人中州下州各置一人宋遼金元明皆無

司兵叅軍唐上州中州置一人下州不置宋遼皆無金諸總管府以總管判官分判兵案事諸府以推官判兵刑工案事元明皆無

欽定續通典

卷三十七

五

司法叅軍唐上州置二人中州下州各置一人宋亦有之掌議法斷刑又置司理叅軍掌獄訟勘鞫之事明以推官理之

司士叅軍唐上州中州置一人下州不置唐以後歷代皆無

叅軍事唐上州置四人中州下州遞減一人唐以後皆無

經學博士唐置一人宋仁宗景祐四年詔藩鎮始立學他州勿聽慶厯四年詔諸路州軍監各合立學置教授



以經術行義訓導諸生而掌其課試之事

胡瑗教授蘇湖間弟子以

千計時尙詞賦獨湖學以經義及時務故有經義齋治事齋經義齋者擇疏通有器局者居之治事齋者人各治一事又兼一事如邊防水利之類故天下謂湖學秀彥其出而筮仕往往取高第及為政多適於用又胡安國除荆南教授正身律物凡所訓說務明忠孝之大端又廖德明為潯州教授為學者講明心性之要手植三柏於學溥士遠南面官黃龍府興中府皆有博士助愛敬之如甘棠

教等官金諸府皆有教授元諸總管府諸府諸州有儒

學教授學正學錄等官又有蒙古學教授明諸府有教

授一人訓導四人

胡儼為華亭教諭時年尙少能抗師道訓勵諸生敦行檢講說經史寒暑

不輟又魏驥為松江府學訓導汲汲成就人士諸生讀書學宮或親往勞問諸生益感激自奮滿九載諸生楊

欽定續通典

卷三十七

去

珙等請闕乞留諸州學正一人訓導三人學正掌教誨所屬生

員訓導佐之

醫學博士唐置一人宋遼金皆不置元諸路總管府有

醫學教授一人惠民藥局提領一人明各府有醫學正

科一人各州有典科一人置於洪武十七年設官不給

祿

中正通守五官掾督郵郡尉唐時已無宋遼金元明皆

無

縣令



唐制各縣令一人掌宣導風化察冤滯聽獄訟凡民田  
收授縣令給之每歲季冬行鄉飲酒禮籍帳傳驛食庫

盜賊隄道雖有專官皆通知之其品秩各有差

長安萬年洛南

洛陽太原晉陽六縣謂之京縣正五品上京兆河南太  
原所管諸縣謂之畿縣正六品下諸州上縣從六品上  
諸州中縣正七品上諸州中下縣從七品上諸州下縣  
從七品下代宗大歷中詔以郎官宰畿輔韋夏卿授奉  
天令課為第一改長安令又韓愈為監察御史上疏論  
官市貶山陽令有愛在民民生子多以其姓字之又裴  
行立遷衛尉少卿口陳願治民試宋建隆元年令天下  
一縣令自效除河東令寬猛皆當

諸縣除赤畿外有望緊上中下掌總治民政勸課農桑  
平決獄訟有德澤禁令則宣布於治境凡戶口賦役錢

欽定續通典

卷三十七

七

穀賑濟給納之事皆掌之若京朝幕官則為知縣事有  
戍兵則兼兵馬都監或監押高宗建炎初多差武臣紹

興中詔專用文臣然沿邊溪洞處仍許武臣指射邑大

事煩則堂除

寇準知巴東縣其治一以恩信為主後知  
成安縣每期令賦役唯令其鄉里姓名揭

縣門而民爭赴之無稽違者又蘇頌知江寧縣時建業  
承李氏後稅賦圖籍一皆無藝每發歛高下出吏手頌  
因治他事互問民間鄰里丁產識其詳及定戶籍民  
或自知不悉以告頌警之曰汝有某丁某產何不言民  
駭懼皆不敢隱遂刻剔夙蠹成賦一邑簡而易行他邑  
視以為法又范純仁為襄邑令有牧地衛士牧馬踐民  
稼純仁捕一人杖之牧地初不隸縣主者怒曰天子宿  
衛令敢爾耶白其事於上劾治甚急純仁言養兵出於  
稅畝若使暴民田而不得闕稅將安出詔釋之且聽牧  
地隸縣凡牧地隸縣自純仁始又周敦頤知南昌縣南



昌人曰是能辨分寧獄者吾屬得所訴矣蓋以敦頤初  
為分寧主簿有獄久不決敦頤至一訊立辨邑人驚服  
故也其時富家大姓黠吏惡少端端焉唯恐得罪一時  
善政最多又程顥遷晉城令凡民以事至縣者必告以  
孝弟忠信鄉必有杖暇時親至召父老與語兒童所讀  
書親為正句讀擇子弟之秀者聚而教之鄉民為社會  
為立科條旌別善惡有勸有恥在縣三歲民愛之如父  
母又趙方知青陽縣告其守史彌遠云催科不擾是催  
科中撫字刑罰無差是刑罰中教化又陳良翰知遂安  
縣俗號強梗吏治尚嚴良翰獨無以寬催租不下文符  
但揭示名物民競樂輸聽訟咸得其情或問何術良翰  
曰無術但公此心如虛堂懸鏡耳又葉顥知上虞縣凡  
徭役令民自推排貨力甲乙不以付吏民忻然皆以實  
應催租各盡其數與民約使自持戶租至庭親視人咸  
便之又李南公調楚江令郡猾吏恃守以陵縣不輸貢  
租南公捕繫之守怒通判為謝曰能按郡吏健令也卒  
寘諸法又董文炳以父任為葉城令同列皆父時人輕  
文炳年少吏亦不之憚文炳嚴於聽斷以恩濟威未幾

欽定續通典

卷三十七

六

同列束手下之吏抱案求署字不敢仰視里人亦大化  
服又李衡知歷陽縣專以誠意化民夏秋二稅以期日  
勝縣門鄉無吏迹而自輸送催課先他邑辦完又陳希  
亮以殿中丞徙知鄆縣巫覘歲斂民財祭鬼謂之春齋  
否則有火災希亮禁之民不敢犯火亦不遼南面官縣  
作毀淫祠數百區勒巫為農者七十餘家

皆有令金縣各有令品秩有差大興宛平為赤縣從六  
品次赤縣又曰劇縣正

七品諸縣從七品凡縣二萬五千戶以上為次赤為劇

下以萬戶以上為次劇在諸京倚郭者曰京縣自京縣而

上為中不滿三千戶為下中元諸縣置達嚕噶齊一

人尹一人品秩各有差至元三年合併江西北州縣六千

縣不及二千者為下縣二十年又定江淮以南三萬戶

以上為上縣秩從六品一萬戶以上為中縣秩正七品

一萬戶以下為下縣秩從七品呂思誠受蔣縣尹差民  
戶為三等每春行田樹育勤敏者賞以農器地無遺力



可識文簿令社長藏之季月報縣不孝弟不事生產者  
悉出之罰其輸作胥吏至社者何人用飲食若干多者  
責償其通又歐陽元調蕪湖縣尹縣多疑獄久不決元  
察其情皆為平反貢賦徵發必及時民樂趨事又干文  
傳歷長洲烏程兩縣尹所至俱有善政長洲為文傳  
鄉邑徙榻公署無事未嘗輒出而親舊莫敢通私謁  
明

各縣置知縣一人掌一縣之政秩皆正七品唯順天府

之宛平大興秩正六品

洪武元年徵天下賢才為府州縣職敕命厚賜以勵其廉恥又  
勅諭之至於再三十七年定府州縣條例八事頒示天  
下永為遵守是時天下州府縣官廉能正直者必遣行  
人齎敕往勞增秩賜金仁宣之際猶然英憲而下日罕  
自後益重內輕外此風絕矣計天下縣凡一千一百七  
十有一范希正舉賢良方正拜曹邑令九載考滿民懷  
其惠爭持金帛贈遺皆不納有里長陳彬伺希正獨居  
懷金潛入投於地疾趨而出時無吏卒無能追及明旦  
出召彬彬不至乃召其父至庭諭之曰大丈夫不為昭

欽定續通典

卷三十七

五

昭信節不為冥冥墮行命領其子所遺金去其父根愧  
領金而去又御史盛嗣以言石亨出知東鹿邑豪士聞  
其來相戒曰是嘗劾石總兵者其人不可犯也嗣至變  
搏擊而為拊循吏畏而民安之不復用刑罰有爭訟者  
諭之以理輒聽受不復辨鄰邑訟多年不決者各來請  
斷訴折以片言必心服而去時人有清如水明如鏡之  
謠又徐九思令句容生平不嗜肉惟啜菜佐脫粟又嘗  
圖一青菜於堂曰民不可有此色士不可無此味又徐  
甫為武平令邑常鬧越之界山寇蟠結時擾城邑吏無  
寧解他吏得此輒不欲往甫拜命欣然攜一僕兼程就  
道至則拊循其民歲餘遠近化之卽藪澤諸寇亦皆傾  
心向化又以計擒他盜藪澤一空臺使者奏其績為一  
時縣令之最

總論縣佐

丞

主簿

尉

五百附

唐制各縣有丞主簿尉等官員數品秩各有差宋如唐



制遼金亦如之元諸縣或置或兼視其縣之繁簡別置  
典史或二人或一人明亦有丞簿無尉各置典史與元  
同

丞唐制京縣二人畿縣上縣中縣中下縣下縣一人貳  
知縣事宋初不置仁宗天聖中因蘇耆請開封兩縣始  
各置丞一人於有出身幕職令錄內選充神宗熙寧四

年諸路州軍繁劇縣令戶二萬以上者增置丞一人

徽宗

大觀中仇愈調高密丞俗尙器訟愈攝縣事判決如神  
事無淹夕又劉清之調萬安縣丞時江右大祲郡檄視  
早徒步阡陌親與民按凡所蠲除悉得其實請均境內  
之地爲八俾有粟者分賑其鄉官爲主之規畫防閑使  
欽定續通典

卷三十七

三

大家得錢細民得米  
兩適其便民甚賴之  
建炎元年詔縣丞係嘉祐以前員  
缺并萬戶處存留一員餘並罷寧宗嘉定後小邑不置

丞以簿兼遼南面官各縣皆有丞金亦各縣置一人掌

貳縣事元惟上縣置丞一人中縣下縣皆不置明亦各

縣置丞一人

洪武初周再由進士爲新化縣丞在官以廉謹聞驗民貧富及丁稅多寡第爲上中

下籍記之遇有賦役隨輕重使之故民不擾而事易集  
由是流民歸者益衆以課最陞考功主事旣而縣民詣  
闕乞令再任上命復以爲縣丞仍令吏部宴賞而遣之  
又劉亨爲武進縣丞有治行惠帝建文三年賜璽書又  
劉幹爲長洲縣丞每出勸農周行膝壠呼老叟問疾苦  
慈孺之色溢於顏面所至民感迎曰父母來矣又陶魯  
爲新會丞方弱冠時廣有搖賊流劫盡雷廉高肇之境  
魯率民守城築塞堡中立以捍東西寇之衝築輔城以



衛城浚外溝以輔衛城布鐵蒺藜植刺以衛溝立寨分兵相援邑之勢如腹心相聯絡賊至不得犯父老曰吾等保妻子長子孫皆陶丞之功也

### 分掌糧馬巡捕之事

主簿唐於京縣置二人餘俱一人宋真宗咸平四年王欽若言川陝縣五千戶以上請並置主簿其餘仍以尉兼從之自後川蜀及江南諸縣各增置主簿南渡後置簿掌出納官物銷注簿書遼南面官各縣皆有主簿世宗天祿五年詔縣主簿政事省差注金各縣皆有主簿一人掌同縣丞元各縣皆有主簿一人明亦置一人與縣丞分掌糧馬巡捕之事

### 欽定續通典

### 卷三十七

三

尉唐制京縣六人畿縣上縣俱二人中縣中下縣下縣皆一人分判衆曹收率課調宋建隆三年每縣置尉一人後開封祥符增置一人掌閱習弓手戢姦禁暴南渡後沿邊諸縣間以武臣爲尉遼南面官各縣皆有尉金赤縣置四人各縣皆置一人元各縣亦有之主捕盜之事別有典史或二人或一人明無尉有典史一人典文移出納

### 此職名



鄉官

鄉官自宋迄明皆不置止爲職役

鎮戍關市官

唐制上鎮將一人鎮副二人中鎮將一人鎮副一人下鎮將一人鎮副一人上戍主一人戍副一人中戍主一人下戍主一人掌捍防守禦上關令一人丞二人中關令一人丞一人下關令一人掌禁末游察姦慝宋有鎮砦官無定員遼南面邊防官有按撫使司招安使巡檢使金有諸知鎮知城知堡知寨潼關關使兼譏察官掌

欽定續通典

卷三十七

三

關禁譏察姦僞及管鑰啟閉副譏察掌任使之事其居唐關紫荆關通會關會安及他關皆設使大慶關管勾河橋官兼譏察事一人掌解繫浮橋濟渡兼管譏察姦僞同管勾一人孟津渡譏察一人副譏察一人掌譏察姦僞又有提舉秦藍兩關提舉同提舉提舉三門集津南北岸泚淮譏察使其諸邊將正將一人副將一人部將一人掌巡守邊境元各處置托克托和斯正一人副一人掌辨使臣姦僞明洪武二年以廣西地接犛獞始於關隘衝要之處設巡檢司以警奸盜後遂增置各處



十三年三月特賜敕諭尋改爲雜職

按杜佑通典云關今占官戊主晉宋

之顯職鎮將後周之通班以唐所置卑賤與隋制同故舉隋而已今考金之各關使譏察官提舉官及諸知鎮知城知堡知寨并各邊將皆六七八品官元之托克托和斯爲從五品明之巡檢爲從九品均非顯職惟遼之安撫招安巡檢諸使大輒置五品又

### 致仕官

致仕官之官三宗

唐制致仕之官五品以上及解官充侍者各給半祿宋凡文武朝官內職引年辭疾者多增秩從其請或加恩其子孫太祖乾德元年太子太師致仕侯益來預郊祀帝優待之因詔曰羣臣列位自有通規舊德來朝所宜

### 欽定續通典

#### 卷三十一

三

加禮且表優賢之意用敦尚齒之風自今一品致仕官曾帶平章政事者每遇朝會宜綴中書門下班二年令藩鎮帶平章政事求休致者亦如之真宗咸平五年詔文武官年七十一以上求退者許致仕景德元年三月詔凡升朝官遇慶恩父在者授致仕官仁宗景祐三年詔致仕官如大兩省大卿監正刺史閣門使以上歲時賜羊酒米麪令所在長吏常加存問侍御史司馬池言文武官年七十以上不自請致仕者許御史臺糾劾以聞神宗元豐三年詔自今致仕官遇誕節及大禮許綴



舊班徽宗政和中提督廣東學事孫璘言諸州致仕官  
居鄉者乞許令赴貢士宴從之明唯宰臣致仕在籍或  
遣行人賜敕諭存問或賜白金綵幣然終明之世亦不  
過數人而已

欽定續通典

卷三十七

五

欽定續通典卷三十七



蘇州府



